

## UGOVOR

### O SERVISIRANJU KLIMA UREĐAJA NA MOTORNIM VOZILIMA KANTONA SARAJEVO

zaključen dana 25.07.2016. godine između:

1. „KLIMACENTAR“ d.o.o. Sarajevo, Ul. Kenana Demirovića 102, koga zastupa  
direktor JASAR NEĐAĐ,  
(u daljem tekstu: Izvršilac)

2. SARAJEVO, Stručna služba za zajedničke poslove  
Reisa Džemaludina Čauševića br. 1. Sarajevo  
koga zastupa **Fikret Jašarević**  
(u daljem tekstu: Naručilac)

#### Član 1.

Predmet ovog Ugovora je vršenje servisnih usluga, popravka i prodaja originalnih dijelova za klima uređaje na motornim vozilima Kantona Sarajevo, po važećem cjenovniku i normativima izvršioca, a u skladu sa ponudom Izvršioca broj: 16-0100-001061 od 14.06.2016. godine.

#### Član 2.

Izvršilac se obavezuje da će:

- stručno i kvalitetno obavljati servisne usluge i popravke klima uređaja na motornim vozilima Kantona Sarajevo i vangarantnom roku,
- vozila uzeti u radu roku od 24 sata od momenta dopremanja motornog vozila,
- na svom lageru obezbijediti neophodne rezervne dijelove za servisiranje vozila uz prethodno dostavljenju specifikaciju Naručioca,
- sve servisne intervencije i popravke klima uređaja na vozilima Naručioca vršiti u skladu sa planom održavanja vozila, odnosno prema uputama proizvođača istih.

#### Član 3.

Naručilac se obavezuje da će se pridržavati plana održavanja vozila, odnosno uputa proizvođača istih, uključujući primjedbe Izvršioca.

Naručilac se obavezuje da neće koristiti usluge drugih servisa za klima uređaje sa područja Kantona Sarajevo za popravak i održavanje, osim u slučajevima kada drugačije nije moguće.

#### Član 4.

Izvršilac se obavezuje da će se pridržavati datih garantnih uvjeta za servisirane klima uređaje i ugrađene rezervne dijelove na iste.

#### Član 5.

Izvršilac se obavezuje da će detekciju kvara na klima uređajima vozila Kantona Sarajevo izvršiti odmah, odnosno bez prethodne najave Naručioca, dok će utvrđene kvarove otklanjati u skladu sa stepenom složenosti utvrđenog kvara, što se ima konstatovati u pisanoj formi, koju odrede Naručilac i Izvršilac sporazumno (ponuda, predračun i dr.).

#### Član 6.

Izvršilac će cijenu obavljene usluge iz člana 1. ovog Ugovora obračunavati na osnovu specifikacije urađenih poslova, utrošenog materijala i ugrađenih dijelova, a prema jediničnim cijenama usluga prihvaćene ponude Izvršioca broj: 16-0100-001061 od 14.06.2016. godine, koja je sastavni dio ovog Ugovora.

Vrijednost ovog ugovora iznosi:

1. Vrijednost ugovora (bez PDV-a) .....	3.000,00 KM,
2. PDV .....	510,00 KM,
3. Vrijednost ugovora (sa PDV-om) .....	<u>3.510,00 KM.</u>

#### Član 7.

Ugovorne strane su saglasne da rok plaćanja iznosi **30 dana** od dana izdavanja računa. Naručilac se obavezuje da neće stvarati nove materijalno-finansijske obaveze ukoliko je rok za plaćanje prethodnog računa istekao. Ukoliko Naručilac ne plati račun za obavljene usluge u roku iz prethodnog člana, dužan je platiti zakonom propisane zatezne kamate.

#### Član 8.

Ugovor stupa na snagu danom potpisivanja i važi do realizacije (potrošnje) članom 6. ugovorene visine novčanih sredstava.

#### Član 9.

Svaka ugovorna strana može pokrenuti proceduru za raskid ovog Ugovora ako druga ugovorna strana ne izvršava obaveze preuzete ovim Ugovorom uz otkazani rok od 15 dana (računajući od dana prijema otkaza).

### Član 10.

Ugovorne strane su saglasne da će sve eventualne sporove u vezi izvršavanja ovog Ugovora nastojati da riješe sporazumno, a u slučaju nemogućnosti rješenja spora ugovorne strane su saglasne da je nadležan sud u Sarajevu.


### Član 11.

Ovaj Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

### Član 12.

Ugovor stupa na snagu danom obostranog potpisivanja od strane ovlaštenih lica ugovornih strana.


„KLIMACENTAR“

  
\_\_\_\_\_  
/ JASAREVIC  
KLIMACENTAR  
d.o.o. Sarajevo  
Broj: 01-07/16



KANTON SARAJEVO

Stručna služba za zajedničke poslove

  
\_\_\_\_\_  
Fikret Jašarević

Broj: 17-14-28381-61